

**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel  
Francofurti Ad Moenum, 1690**

Caput X. Idem (a) Pictaviensi Episcopo.

---

[urn:nbn:de:hbz:466:1-74533](#)

## In Librum IV. Decretalium,

1. (a) **I**dem.] Ita etiam legitur in prima collectio  
ne, sub hoc titul. cap. 8. & post Concil Late-  
ran. part. 6. cap. 15. non ita, sed *Abbatibus San-  
cti Cadmundi & de Ramescia*, legendum esse  
jam notavit Cujac. in presenti. De Abbatibus San-  
cti Cadmundi egi in cap. Abbas, de his qua vi.  
De monasterio de Ramescia egi in cap. 2. de dolo  
& contumacia.
2. (b) **C**ontinere.] Quatenus per adulterium dis-  
solvatur matrimonium quoad forum, ita ut  
non possit innocens vivente adultera aliud inire  
conjugium, exposui in Can. 9. Concil. 9. Illi-  
ker.

## COMMENTARIUM.

3. **C**onsensum legitimè praestitum per verba,  
aut legitima signa, desiderari pro forma  
matrimonii, supra in cap. 7. probavi: unde con-  
fultus fuit Alex. III. in praesenti casu, an cum  
vir promisit, seu juravit, se ab eo tempore mu-  
lierem aliquam habiturum pro uxore, & tan-  
quam uxori suam fidem servaturam, & vicissim  
illa promisit eum habituram pro se marito, &  
quasi marito suo fidem servaturam, validum  
contrahatur matrimonium, ita ut maritus uxo-  
rem hac forma ducentam deserent cogendus sit ad  
eam redire? Et responderet Alex. III. cogendum  
esse ad eam redire, & matrimonium validè, &  
efficaciter fuisse celebratum. Dubitandi ratio ex  
eo nascebatur, quod verba contractus matrimo-  
nii collata in tempus futurum, non inducunt  
matrimonium, sed sponsalia de futuro, cap. de il-  
lis, 5. cap. si inter 31. hoc titul. sed illa verba, pro  
conjuge habiturum, sunt futuri temporis: ergo  
consensum de praesenti ad matrimonium neces-  
sarium non exprimunt. Sed merito contrarium  
decrevit Alex. III. Ut autem huic dubitandi ra-  
tioni aliqui satisficiant, affirmant in praesenti  
textu ideo per ea verba matrimonium declarari  
contractum, quia postea copula sequuta fuit in-  
ter sponsos, ut ex integra supra relata constat.  
Unde cum sponsalia quantumvis de futuro con-  
tracta, copula sequitur transeat in matrimo-  
nium, cap. is qui fidem, infra hoc titul. ideo in  
praesenti casu, tanquam matrimonio ritè contra-  
cto, cogitur maritus redire ad eam uxorem. Ve-  
rū licet haec interpretatio sustineri possit, ta-  
men cum Raymundus omissserit ea verba, Quo  
facto in eadens domo din cohabitantes liberos pro-  
creaverunt; satis innuit perdoctus vir, adhuc  
ea copula non sequutā, per verba supra relata
- legitimè matrimonium de praesenti contrahi;  
siquidem ilis verbis omisssis decisionem trans-  
scripsit. Quare dicendum est in praesenti specie  
ea verba, ab eo tempore, &c. importare matri-  
monium de praesenti, ut recte docuerunt Palu-  
danus in 4. distinet. 27. p. 2. art. 4. concl. 4. Covar.  
in 4. 2. p. cap. 4. §. 1. Gutierrez canon. qq. cap. 21.  
num. 30. Marcus Antonius lib. 5. instit. tit. II. num.  
45. Canifius, & Cujacius hic. Nec obstat du-  
bitanti ratio supra adducta; nam procedit quan-  
do verba collata in futurum respiciunt princi-  
pium actus, secus si denotent executionem  
actus jam perfecti, ut in praesenti casu; hęc  
enim verba, pro conjugi te habeo, denotant execu-  
tionem matrimonii; quia non potest mulier  
pro conjugi haberi, nisi procedat matrimo-  
nium; ac proinde per hujusmodi verba videntur  
conjuges de praesenti contraxisse, argumento le-  
gis illud 77. de adquir. heredit. cap. præterea 5. de  
officio delegat. l. 2. ff. de jurisd. Et quia quidem  
non apposuit, videtur praesenti die se obligare,  
l. em. qui Calendis ff. de verb. obl. præsensit Glos.  
1. hic, & per textum ibi in cap. si quis divinis 30. q.  
5. Non tamen ex hoc intellectu bene deducunt  
Joannes Andreas, Abbas, & Præpositus hic,  
Gutierrez d. cap. 21. num. 7. & alii relati a Covar.  
2. p. cap. 4. §. 1. n. 6. quod per hęc verba, non ha-  
beo aliam in uxorem nisi te, censetur contractum  
matrimonium de praesenti; siquidem repugnat  
proprietas verborum de futuro, quę non in-  
ducunt consensum de praesenti; & verba hęc,  
habeo te in uxorem, non matrimonium, sed  
sponsalia de futuro important. Præsens autem  
decisio procedit in foro exteriori, in foro ve-  
ro conscientiae attendendus est animus ejus,  
qui ea verba protulit; an videlicet animus  
habuerit statim contrahendi, vel purę, vel  
conditionaliter, de futuro, vel de praesenti; quia  
in eo foro animus semper attenditur, cap. tua  
nos, infra hoc titul. docent Sotus in 4. distinet.  
29. question. 2. art. c. 3. Gutierrez ubi supra. Tan-  
dem notandum est, quod in foro exteriori ea  
verba important sponsalia tantum, si inter  
contrahentes actum est de sponsalibus contra-  
hendis; quia à contrahentium mente non est  
recedendum, dict. cap. tua nos, leg. semper 34.  
Digest. dereg. jur. Canifius hic, Covar. sup. nu-  
mer. 4. Gutierrez numer. 18. qui idem resolu-  
vunt, quando ex consuetudine regionis spon-  
salia hic sępe contrahi solent: Marcus Anto-  
nius supra, qui monet parochos, ut hujus-  
modi verba obscura non admittant, sed com-  
pellant contrahentes exprefscere, explicitaque  
consentire.

## CAPUT X.

Idem (a) Pictaviensi Episcopo.

**E**x literis ven. fratris nostri (b) Salvon. Episcopi accepimus, quodcum duo nobiles  
Eviri sui Episcopatus W. S. de Mostrand, & B. de Mauritania, filios & filias impabe-  
scentes haberent, & spe pacis inter eos conciliandę ita inter se convenerint, quod  
filios & filias mutuis ad invicem matrimonii sociarent, & hoc tam patres, quam si-  
lii sub juramento se facturos (c) promiserint, inter quos G. prædicti B. consentiente  
patre, semul & iterum accipere in uxorem juravit: cumque ipso volente ad alia  
vota

vota migrare, eum Episcopus sub distictione anathematis compellere voluit, ut secundum quod juraverat, filiam praefati B. traduceret in uxorem, ipse ad audientiam nostram appellavit; & altera parte nuntium suum ad nos destinante, ipse nec venit, nec respondebat aliquem pro se transmisit. Quia igitur praedicto G. periculosest contra juramentum suum venire, f. t. per A. s. p. (d) m. quat. cum exinde fueris requisitus utramque partem ante tuam convoces presentiam, & rationibushinc inde plenius auditis, & cognitis, si tibi constiterit, quod praefatus G. praefito juramento firmasset, quod filiam memorati B. duceret in uxorem, cum moneas, & authoritate nostra districte compellas, ut ipsam nisi rationabilis causa extiterit, in uxorem recipias, & maritali affectione pertractet: si vero rationabilem causam praetendere noluerit, eam cum omni diligentia & studio audias, & fine canonico, omni ap. cess. decidas. Ceterum si legitimè monitus judicio tuo parere contempserit, eum & patrem, si fovere ipsum in sua malitia presumperit, excommunicationis vinculo astringas, & in tota terra ipsorum omnia divina, praeter (e) baptismata parvulorum, & poenitentias morientium prohibeas officia celebrari.

## NOTÆ.

1. (a) *Pictaviensi.*] Ita etiam legitur int. collect. sub hoc tit. cap. 9. & post Concil. Lateran. p. 6. capite 26. De Pictaviensi Ecclesia egri cap. 20. de rescriptis.
2. (b) *Salvon.*] Non recte Glossa marginalis, quam sequitur Cujac. hic, legit Sanctonensi. De Sanctonensi Ecclesia agemus in cap. 33. de v. f.
3. (c) *Promiserint.*] Parentes posse pro filiis spon-
- salia contrahere, latè probabimus in cap. I. de defensione simplici.
- (d) *Mandamus.*] Episcopo Pictaviensi, non Sanctonensi, quia cum ab eo fuisset validè appellatum, non debebat causa illi iterum committi, juxta tradita in cap. accepta, de appellat.
- (e) *Baptisma.*] Quia tempore interdicti sacramenta baptismi, & poenitentiae administrari possunt, ut dicimus in c. quod in te, de paenit. & remiss. Commentarium dedi suprà in cap. 2.

4.

5.

## CAPUT XI.

Alex. III. (a) *Archiepiscopo, Episcopis, Abbatibus, & aliis Ecclesiarum Prelatis, & universo Clero per Angliam, & cismarijanam terram illustris Regis Anglorum constitutis.*

**N**on est vobis, sicut arbitramur, incognitum, qualiter Illustris Rex (b) Anglorum pro (c) discordia, quæ inter ipsum & filios suos, peccatis exigentibus est aborta, uxores eorum detineat, pro quibus sibi restituendis (d) Rex Francorum, & generi sui preces sollicitas nobis porrexerunt. Nos itaque attendentes, justum & honestum esse ut viri suas petant uxores, & precibus eorum in omnibus, quæ à iustitia non discordant, volentes prono animo acquiescere, praefatum Regem Anglorum studiosè satè & attente monuimus, eique dedimus in mandatis, ut ad commonitionem Archiepiscopi Cant. & Episcopi Conventensis, & Cant. Prioris, vel loco ejus Prioris de monte Eli, si ipse adesse non poterit, vel duorum ex his, si tres non potuerint interesse, uxores eorum infra xi. dies post literarum nostrarum susceptionem restituere non postponat; si vero eas post predictum terminum viris suis non restituerit, Apostolica auctoritate præcipimus, ut tota provincia infra quam detinentur, & ad quam transferuntur, quamdiu ibi fuerint, donec viris suis non restituentur, ab omnibus divinis officiis, praeter baptismata (e) parvulorum, & poenitentias morientium cessent. Inde est quod universitati vestre per A. s. p. m. quat. cum dem Regem Anglorum ad eas restituendas sollicitè moneatis, & exhortationibus inducatis, proponentes ei quod non minùs expedit sibi eas restituere, quam viris suis ipsas recipere: & si juxta mandatum & commonitionem filiis suis uxores suas infra terminum constitutum non restituerit, ex tunc in quacumque parte provinciarum vestrum detinentur, vel transferuntur, donec ibi fuerint, nulla divina officia, praeter baptismata parvulorum, & poenitentias morientium celebretis, vel permittatis celebrari, omni ap. cess. scituri pro certo, quod si contra interdictum nostrum (quod non creditur) venire tentaverint, siæ temeritatis, & transgressionis poenam debitam auctore Domino reportabunt.